

莆陽比事

刻莆陽比事錄敘

昔劉子元有言郡書者體其鄉賢美其邦族施本國
頗得流行置他方罕聞愛異是以寧核無華諸如汝
南先賢會稽典錄陳留益部耆舊文獻皆足徵而至
其詳審該博則以常璩劉炳所著爲尤蓋玉卮無當
不得稱寶而裨官野史往往在石渠載筆之外第取
其足爲世風者耳吾莆山川韶秀人物瑰琦事蓋具
郡乘中而宋嘉定間有李幼傑先生取唐以來上下

千百年凡莆事可愛可傳者綺分璧合釐爲七卷名
曰比事備矣所謂風謠歌舞各付其俗魁梧長者莫
非其舊美哉當年之盛如指諸掌其以紐之王教本
乎勸戒非工非儻傳信具存豈惟本國自識典刑即
他方亦已重之如鄒魯者乎顧幼傑去今餘四百年
理度後既不及編而且代更勝國朝祚革除所接光
塵而並輝烈者奇傑累累莫可覩縷不佞沐浴所聞
方欲纂輯而苦未逮伏思幼傑之集岌岌危得之煨

爐中擬爲殺青副諸郡乘乃清江周爾修君慧心閱
覽仰止先進業校讎而授剗剗不佞喜其于私心有
合而于風世有資也爰爲之序

萬曆乙巳七月上澣後學林兆珂孟鳴父謹敘

莆陽比事舊序

邑人陳讜

吾莆山川清淑風俗醇美民生其間率多秀異耻事
末作一歸于儒自唐距今厯紀數百如節行揚芳文
學垂範代不乏人進士擢第則有祖孫首榜魁亞聯
名異科有賢良詞學之英一門有公卿岳牧之盛至
於軼材絕藝隱士高禪聞見軼出殆難悉數固炳靈
之助亦漸靡使然也舊誌間多䟽畧由夫主其事者

期於速成操觚之士不暇博訪遂使覽者不無遺憾
今國家貢士李君俊甫幼傑慨然有志斯事上考史
記旁摭紀錄下至諸家文集行實碑碣書尺悉從采
掇詢于耆儒叅之故老積十餘年心目之勤蘊爲七
卷幾數萬言彙聚科分聯比而書又爲綱目於前偶
儷成編尤便披閱可謂勤矣書成適國子博士三山
林公來牧吾郡李君以其書獻一見嘆賞命書史就
抄給以筆札不閱月而畢親翰抵僕諉以序謹自念

齒耄學荒理當退避既而喟然謂士未遇時往往編綴古今以爲選舉之圖講學鬻文以爲俯仰之計奚暇採拾鄉閭逸事以爲前輩不朽之傳後來慕用者之勸也哉是書之成若不過博雅君子爲賞鑒但藏巾笥耳今使君仁賢不薄鄉郡樂其風土之美人物之盛爲之主盟將以傳信久遠使後人更相勸勵斯爲忠孝冠冕言行楷式之歸風化美意實在乎是何此書之幸吾郡之逢耶使君以鼎甲師儒宜爲序冠

顧乃謙抑以筆授僕若又因辭恐幼僚用心之勤與
使君樂善之懿終無以表見是題于卷首云

題跋

僕至郡之三月李君幼傑來訪出其書一編閱之莆陽比事綱目也其言纔千有餘其事上下千百年間可法可勸可喜可愕無所不有於是嘉其工歎其勤也命工就錄全帙延訪儒生往復訂正凡踰年而書始成乃鋟木以傳後吁僕之力僅如是耳如此山川人物方興而未艾高蹈而遠跨者又將月異而歲不同也幼傑勉乎哉僕老矣自是休影衡茅之下萬事

棄置行樂餘暇時懷此郡好風南來每聞述一佳話
往往得一解顏而笑蓋於此興復不淺

嘉定甲戌四月下澣玉融林琢書于儒雅堂

莆陽比事卷之一

龍坡李俊甫幼傑纂輯

閩分八郡莆有三邑

福建路古閩中郡今分爲八建劔汀邵福興泉漳
考占星土屬斗牛須女之分莆自太平興國四年
始析福之福唐永泰泉之莆田僊遊戶口合游洋
百丈二鎮置太平軍治興化縣尋改興化軍八年
因轉運使楊克讓請移治莆田縣都巡檢解卽異

僧湏槃所指也

湏槃云此地他時有鼓角聲

郡治北枕陳巖南

揖壺公東薄寧海西縈石室木蘭壽溪環流左右

封疆所至東西僅二百一十五里南北僅一百四

十五里山川人物獨甲他郡

九域志本郡志

莆有三邑莆郡初置領縣一曰興化

今縣治即舊軍治

迨

太平興國五年始以莆田仙遊二邑來屬

按國朝會要九

域志清源志皆云四年以初析戶口言之

莆田在郡治之後鄉六里三

十四僊遊在郡之西南七十里鄉四里二十六興

化在郡之西北七十里鄉三里十一鎮二涵頭黃
石寨二迎仙繫蓼外辜嶺寨隸興化永福二界郡志
壽水東繞壺山南揖

延壽溪在郡北五里自游洋發源經莆田界瀦水
于延壽十里無湍激聲東入于海林艾軒誌林尚
書大禹墓云出北郭五里有水如帶百堵散處隨
意高下風土奇觀乃如此水異時陳公絳以賢良
對策徐公鐸舉進士爲天下第一由渚而東聲名

早定即吾家子雲也 郡志

壺公山在郡南二十里圭首方銳聳秀千仞衆山
中最巍特山有八面郡治實南向唐郎中潘存實
詩云雙旌牧清源吟看壺山翠莆舊隸清源故也

按九域志昔有隱者遇老人邀至絕頂見宮闕臺

殿似非人間老人云此壺中日月也因得名 山多靈跡

每油雲覆頂則雨至故鄉諺
得壺山戴頂爲將雨之驗

寺觀相望戶口日殷

閩王延鈞崇信竺乾法一歲度僧至二萬餘莆大
姓爭施財產造佛舍為香火院多至五百餘區郡
城光孝水陸永福附郡囊山梯山龜山塘南廣化
華巖謂之南北二寺烏山陳巖石室妙應謂之東
西二巖為郡人游息之所他如僊遊之九座三會
皆號甲刹 道觀始於祥符盛於宣政佛寺或廢
為神霄玉清宮未幾復舊今天慶觀三殿宏麗甲
於八郡元祐間雷擊殿鵠吻墮內得黑木板文曰

後八十年狄覺奴來守此邦重易殿屋主者以聞
郡守狄明遠視之嘆曰吾小字也以年計之吾猶
未生何其驗耶遂捐俸新之

閩王度僧事見資治通鑑
鳴吻事道觀有

碑記又有紫澤觀 莆田 福神觀 偃遊 三清觀 興化

福建八郡自莆而南主戶寡而客戶多由莆而北
主戶多而客戶寡莆雖軍壘主戶與臨漳等客戶
視長汀多四之一按舊志太平置郡主戶一萬三
千一百七客戶二萬六百二十八元豐九域志主

戶三萬五千一百五十三客戶二萬八十四視太平間為多以口計者不與紹熙重修莆志主戶四萬四千三百七十六口一十萬八千八百八十七客戶二萬七千九百八十七口七萬八百九十七比之元豐主客戶增至一萬七千一百二十六今主客丁口日益殷阜焉

干戈不動絃歌相聞

莆介泉福之間負山阻海五季亂離所在日尋干

戈蒲獨賴以免迨國初留陳二公繼有漳泉咸知
屬心真主航海歲貢不絕是邦息兵按堵二十年
江南平即納土自太平立郡以來間有唱亂脅從
之夫不兵而滅昔湮槃云吾所居之地永不動干

戈信夫

互見國史
及湮槃碑

莆為文物之地舊矣梁陳間已有南湖先生鄭露
書堂

露一名蘗今廣
化寺講堂是也

唐林藻弟蘊肄業其地歐陽

詹自泉山詣焉原其所倡非在常衮入閩之後也

國家涵養日久迄今有三家兩書堂之謗云以郡志鄭

家譜
參出

烏石官職莆陽朱紫

湮槃云烏石山前官職綿綿山在郡城東北一二

里自唐距今居山之前登科第者無虛歲由是朱

紫蟬聯不絕其著姓則有闕下林唐貞元孝子攢之後福帥研之

族前埭林唐武衛逢之後北門林金紫悅之後郎中冲之通判霆

族之北門瓦巷林今侍郎炎之祖坊尾林司業伯澄

坑林

九牧

侍講

族

湯埔林

九牧

著秘

烏石林

世知縣

之後自連

東院陳

柳黃陳

上院陳

西院陳

并唐司直

烏石谷目陳

告院師北

門舖上陳

通判

巖前陳

侍制

龍井頭陳

通判

後殿族

古瀨葉

都官

賓之後

丞

興化何巖葉

學

前葉

朝散

曹之後

通

義門烏石劉

省元

夙朔後吏

字起晦

北門劉

朝奉

覺大中

洵直之後

後塘方

湯埔方

烏石方

荔宅方

前坊方

并禮部仁

載員外仁

逸之後諫議漢言郎中慎從觀後方正字仁逸著

岳陽守擴元祐黃適之後

後隴方少監仁岳之後方倉方司直仁遜之後提舉臨之族以上并

長官廷範子元房義門上坊方侍制偕朝奉龍井之後多寓居江浙

方坑邊方評事保之後南恩守浙之族北門上郭

方中奉次彭之後少卿銓巖前方中奉尉衙東方

之族本大松鳳冲方

司直祈之後本方山方以後後埭宋 前埭宋 烏

上并五代長史叔達之後

石宋 新店宋并唐員外駢之後待制斐提後埭舉藻之族忠義族後寓崑山

李 荔宅李 義門上坊李 錢坑李并唐蔡王尉之後諫

謀欣九江守北門濠邊李即中德昭之後北門鋪

上李後唐江王元祥之東里黃上東黃并唐御史

元公度郡烏石黃知縣頴之後承後塘黃太學博

族前埭鄭參議東之後今後埭鄭烏石鄭并朝

伯玉之後邵武守事道特少府衙前鄭樞相僑自

書林鄭編脩樵之後朱倉王湯塘王湯埔王

東里王并莆田令保隆之後給事晞亮之族寓溝

頭王與上坑頭王之後吏部悅書林王常德守北門上

閣郭彥成之後義門歐陽清唐之後教授後埭翁補唐

之闕乾度之後殿丞損寺丞鑑東黃薛左史元鵬之族有分居湯升書林者後自鳳搏移

居東黃張梅守熊之後自烏石蕭郎中倫之故居騰高口移居其子孫寓潮州

湯埔盧太師熙載今節使雍少卿憲之舊居皆其地也

古識云白湖腰欲斷莆陽朱紫半水遶壺公山此

時大好看搜神秘覽云壺公山欲城東南五里有斷莆陽朱紫半歇矣

港曰白湖自熙寧斷水為橋莆之登第始倍於前

自木蘭創陂疏渠引流南遶壺山而族望益多顯

者水亭蔡

忠惠公之後汀守師言之族特僊遊赤

湖蔡

楓亭蔡

並忠惠公之族陳宅陳射靖提刑中復之

族相府陳

丞相正獻後其族多延壽陳唐御史端

絳待制睦侍郎彥文之族歷潯陳顯謨閣水亭潯

山陳

大中十後黃石塘南陳士楚之族市上陳

機宜宣之族州西陳通判啟郡前陳武舉將領前

街陳

運管匪江上陳今監丞水陸永福寺前陳

滿通直夢務前陳承謀副鼓樓陳朝奉渙縣前陳

卿之族

知縣士邱山陳知縣南僊遊留坡陳唐光州都督

宏之族大中驥豐之族今待山潯陳給事中次柘山陳殿

制諱移居縣治東覺民龍華陳安撫吉夫之後今龜城陳提舉維

之後覺民龍華陳安撫吉夫之後今龜城陳提舉維

之移侯山陳通直公言之後西埔陳瓊守太水溝

居陳建昌守夢西園陳金紫開前山陳陳庫陳慶

守可大黃沙陳教授興化瓢湖陳太卿鑄之後

出谷目陳誥院師立知潯陽白鳧陳推官大上溪

陳碧溪陳并唐員外白沙陳三司判官石亭林牧

薦前埭周孟之判上廊周朝奉大夫榕巷周太學

士偉後黃周建功郎煊後以上諸學前龔參政

判俊後龔忠良驛前龔忠良龔忠良龔忠良龔忠良

之市東龔忠良驛前龔忠良龔忠良龔忠良龔忠良

守嗣宗朱紫坊方六房少監仁岳著作仁瑞之後

之族留橋方殿撰天若比下坊方龍圖那瀨口方殿

龍國運副同白杜方二金紫峻少師會之後方

出少監之後城邊東宅後街方提舉翼

山方五代長史叔達之族城邊東宅後街方提舉翼

後之北門內方晉江令疏道之後軍學東方龍川令

後已上三龍門方主簿網興化大松鳳冲方三禮

方同出奉次彭之後與山屏方少卿叱石方評事傑百俊

方侍制偕之後與驛前黃侍郎父水南黃國正伯

與侍郎方巷黃提舉國涵頭前黃後黃唐校書

瑤之後直講君俞御史隱侍郎黃亭黃提幹景

吳宅黃知縣義井黃狀元定之族橫山黃司直

族蛇坑巖嶠黃太祝顏澄渚黃推官瓊族今儂遊

新嶺黃提舉顯提點污之族蘇山黃與提舉興化砦

溪黃太傅中庸之後與何巖黃知縣脩之後北門

內林 方巷林金紫悅朝議鑑之後即中冲之陳

宅林韶守宋可之後前街林九牧煜之後龍西市

林 柳宅林 柴行林侍郎光學前林 牛皮巷

林九牧蘊光祿積仁之族井頭林朝請嗣光朝散西

州角林省元廷館前林提幹璘之族縣前林憲守

林後與閣下朱倉林橫守葉芹坑林教授偉南門林

義授浩卿之族澄渚林九牧蘊白杜林尚書大尉

與芹坑林同出

渚林同出白湖林教授族新鄭莊林縣丞族江口林教授族

族之長城林司業族震東山林司業伯族涵頭井邊林提舉族

傳之後與芹馬院林都巡高之後與畱橋僊遊石坑林同出

碑林九牧藻之後左司正楓亭林岳守宋族席麻前

林廊守孫之後忠義師道觀洋林提幹族雙林林

教授之族興化馬洋林九牧常之後著作百丈林九牧

煜之後司業上溪林教授族滌坑林唐雷州刺史煜之後大夫

迪之上塘鄭少卿濬從舉元留橋東鄭監簿畊夫族

塘並司門塘北鄭司法安邦之族延壽鄭運使廷

澤之後與前埭鄭同出楓嶺鄭會判升族桃源鄭

移居市西鄭耕夫之族楓嶺鄭之族與祖嶺俱刻雙峰鄭今慶元令僊遊岩橋鄭 楓

史肇之後與祖嶺俱刻亭鄭 鄭宅鄭並唐散騎興化龜嶺鄭 鮪潭鄭

知院僑溪東鄭 溪西鄭湘鄉厚夾潯陽鄭運使

之後之族以上興化諸鄭縣市鄭教授其族孝義坊李唐

並唐散騎積之後王元祥留橋李潮守特正朝請敷正之

之後倉前李留橋李後高守說仲房分居留橋水陸院前李亞冠宗師之後與郡西李 北門

墻堯李

知縣德輝之後
郎中德昭之族

光孝寺前李

與上同出水亭李

宗教次升之後與後

涵頭李

唐金吾將軍尚芬之後

洋尾李

湖口令東匯李

唐江王元祥後

東溝李

知縣夏卿錄參貢族

興化西

平李

唐江王房麗公楚珪之後

涵頭孔

唐蒲田令仲良之後

圭浦游守

輔之上阮

下阮

北阮

南恩守中少尹駿臺簿鵬之族

桃巷阮

食判疏之後與

延壽徐

唐正字寅之族尚書鐸之族

東壠徐仲

處士復刑部疏

龍窟徐

東壠同出

北門薛

今運使元肅之居

興

化鳳搏洋薛

吉上薛

中散利和之後武舉奕梅守珩之族與上黃北門薛

同出寓南劍沙縣朱倉朱宗簿明叔之後水南林

井朱後朱推官廣僊遊黨田朱唐索州司馬

今寓縣道觀洋朱運使泳之族後街吳大夫寧

真門內吳教授源推義井吳今連江錢坑吳

坑壩吳塘濱吳鳳井吳東郊吳正議詳汀

守廷秀之族已魏塘吳美勇侯可塘吳屯田世

遊山泌吳武翼興化縣市吳通判僊遊石碑西坑

羅峰傳中書龍圖洪提舉汶水南上余下余

朝議祖僊遊上余光祿積之後給小塘王唐兵部

令佐壺山王 迎仙王 僊遊東門王諸王並出

後朱紫巷翁唐補闕乾慶之後殿丞墳寺丞鑑光

繭翁提刑點漆林翁諫議承涵頭翁朝請大夫巖

嶸蘓守十能後寓于浙僊遊蘇家巷蘇運使欽之

之僊遊上丘真守煥之後謝倉謝 水陸院前

謝教授瑩行尾謝金紫之後江口謝知縣任興化

何巖謝縣丞洪魏塘郭紹興旌表孝大礪郭法曹

族之白湖郭已上三郭同興化東郭錄參建仙遊碧

溪郭部中洪上林許唐刺史僊溪東許員外尚之

族之松嶺上許下許同出員僊遊許倉巷許都官禎

碧橋許滁守翼騰高口張梅守熊僊遊西浦張光祿

處士弼後坑前張屯田倉後姚少監宗井頭姚縣知

之後蛇坑姚興化縣東姚並少監延壽西劉通判

孔修之族今食涵頭上劉特魁景衙前戴教授

呂溪戴知縣桂東井戴通判僊遊上堞戴已上

出義井歐陽四門詹後剛定時族館前卓今推官

長壽卓吏部厚之族白湖顧學前顧計院族

僊遊上洪司業中楓亭洪朝議範西市彭前街

彭祭酒椿年教授奎之上詹下詹知縣汝留橋

柯竹浦柯運幹岳館前柯今武舉正將魏塘魏

評事吉館前范容守薰高屯田邑守涇僊遊東蔣

判雖之族北洋康今知縣夢僊遊縣角廖著作

義井宋陽夏宋唐員外駢之後延壽潘五代尚

之後內縣慎脩寓于浙

興化灣溪崔

提幹志之族

柴行丁

知縣彥先之後

興化何巖董

八行之公偃錄之族

州後留

僊遊赤湖留

留橋留 并頭留

並郭國公從教之後丞相正提舉洪之族

合烏山而言亦可謂朱紫半矣凡言某之族者官

雖多只舉其一二或名族之後散居于他者不盡

錄餘如韓莊唐杜楊何盧馬高曾章程伊鮑梁諸

姓有登科桂籍者未詳其系姑闕之

前代名賢皇朝進士

閩士鄉時雖能通文書習吏業不肯北宦唐常袞

爲觀察使乃擇鄉秀民勸以仕進林端州公藻始

擢貞元七年第八年有歐陽詹韓文公云閩人舉進士自歐陽詹始

史因之及觀閩川名士傳前有薛令之林藻以登科驗之信然唐文公偶未之詳

許稷文德元年有陳嶠蒲志云光啓四年改元文德乾寧元

年有徐寅陳承明年乙卯有黃滔又明年丙辰有

翁承贊天祐二年有翁在堯三年有陳光義翁襲

明四年有陳淑下逮五季方鎮僭亂不復貢士陳

沆乃間關百里遠詣京師梁開平二年與鄭希閔
同第進士他如林蘊林攢潘承祐鄭元弼陳致雍

陳郁前史皆有傳

以新唐書五代登科
記十六國誌參出

莆陽登皇朝進士第者自興國八年王世則榜李
欣始至嘉定七年素甫榜正科已八百餘人特科
已五百餘人新第者率題名于郡桂籍堂

名亞虎榜魁占龍頭

歐陽詹貞元八年陸贄榜第二人及第與韓愈李

觀李絳崔羣王涯馮宿庾承宣聯名皆天下選時
號龍虎榜國朝以來亞魁方六人嘉祐六年王俊
明榜陳睦紹聖四年何昌言榜方天若崇寧二年
霍端友榜蔡佃政和二年莫儔榜李宗師紹興八
年黃公度榜陳俊卿乾道八年黃定榜黃艾

龍虎榜出

唐史餘見登科
記並莆田人

皇朝以進士魁天下者熙寧九年徐鐸紹興八年
黃公度乾道五年鄭僑以諸科魁天下者嘉祐八

年劉景暘以特奏魁天下者宣和三年鄭測紹興

十五年林洵美淳熙十四年方鎬以武舉魁天下

者熙寧九年薛奕特魁紹熙元年陳從龍登科記桂籍題

記名正魁端平二年吳叔告咸淳四年陳文龍特魁

端平二年王聲叔淳祐七年彭彞甫開慶二年林

濟孫

南宮高第壁水上游

試南宮第一者紹興庚辰劉朔是年經試兼行為第二者

元祐辛未方叔震分路類試爲第一者紹興壬子

林廷芳以賦魁天下者紹興乙卯鄭厚

唱名日得旨鄭厚省

試詩賦第一名候出官日循兩資陞擢

越辛未劉夙

朔之兄

淳熙丁未

林旂紹熙癸丑吳錫疇紹定壬辰葉大有嘉定甲

戌鄭涇甫

大有三名內如方烈陳士楚龔日章王懌吳彬蔡說劉世鈞方大琮尚多未盡

錄爲別試所第一者紹興乙卯宋椿隆興癸未林

處嘉泰壬戌林益嚴以賦魁者嘉定辛未陳思誠

咸淳戊辰方公權

元祐以前未考

國學兩優釋褐元豐八年林自大觀元年陳璘四年陳伯貺郭千之林正建炎二年許搏紹興元年王晞亮他如鄭廷芬陳膏方廷實薛元鼎盧彖朱泳鄭僑黃艾陳士楚顧杞黃裳鄭真卿傅誠林庚蔡師言李茹陳憺方壬陳舜畊林立節王宗烈方灼吳淦劉南叔郭子力許宗旦陳作謀徐伯鯉歐陽偉鄭直公

或從舍選或中上遊或馳聲詞賦其由是登科者未易枚舉

補魁

方天若鄭重薛元鼎李普明方遂同時中魁者黃

節方阜鳴方武子陳大同林汝賢監補魁劉灼改名

克劉燧方鄭以前
當詳考之

四異同科七名聯第

紹興戊午大魁黃公度亞魁陳俊卿林鄧以年七
十三爲榜尊龔茂良以年十八爲榜幼皆莆人一

時榮耀以爲四異焉耆舊
記聞

紹興壬午鄉書前七名明年並登第劉夙以詞賦
魁省闈林枏以經魁居第五劉洵直第七皆前所

未有也

人物志
劉夙傳

三世登雲四代攀桂

鄭伯玉字寶臣擢景祐第其子叔明叔僑孫至道
亨道事道相繼登第皆及見之提舉方孝能有詩

曰壺公簪紱數如沙三世青雲在一家在當時為

創見也繼有同邑李昂子昭文孫常

常寓姑蘇
不預題名

陳膏子居仁孫卓

陳嘉邵子鶴孫雅

林英子

定孫思明

蔡樞子頤孫師言數言

劉朔子起

晦起世孫希仁 僊遊許貞子吳孫堯夫 陳公

言子大卞孫安仁性仁顯仁 陳驥子豐孫謹

興化方次彭子晞道原道安道深道孫綰並三世

登科

桂籍堂題名
氏族類彙

陳絳子動之說之動之子侗睦侗子彥恭皆相繼
擢第或爲詩云自從曾祖初攀桂直至曾孫不歇
枝 興化黃中庸之後徹徹子府府子安石亦四

代登科

鑑明錄桂
籍題名

父子一榜昆季同年

陳與京子國瑞同登紹聖四年第與京終德化令

贈正議大夫國瑞朝請大夫直顯謨閣福建路轉

運使今家有連桂堂桂籍題名元豐二年方公袞次臯

安道原道叔姪四人同第郡守謝履賀以詩云一

榜君家桂四枝清朝榮盛似君稀游洋志

天聖八年陳動之弟說之慶厯二年吳乘弟秉

六年陳藻弟琪熙寧六年陳孝純弟中復九

年徐銳弟鐸 元豐二年方安道弟原道 元符

三年蘓煜弟械 鄭升之弟敏之 紹興二年林

宋臣弟宋致

兄宋卿亦登崇寧第

三十年林嶽弟準

隆興

元年鄭揆弟搏 淳熙五年余元一弟崇龜 他

如李昂弟冕 蔡佃弟佃伸 陳驥弟駒駢皆相

繼登科餘見三世登雲鳳穴諸郎闕不盡錄

登科記

皇子喜硯宮嬪遺錢

方慎言字應之咸平三年舉進士赴廷試時皇子

年尚幼因覲慎言所用硯喜之慎言期試畢爲獻
迨暮皇子至慎言以衣袖潔硯跪進之皇子持入
以奏真宗嘉其有禮唱名日皇子立御案旁指慎
言曰多髯者是也已而深蒙東眷時謂慎言結知
于上已基于此 郡志

黃泳字宗永年三歲書一過目輒成誦大觀二年
應童子科徽宗親摘詩如南山之壽以發誦泳應
聲曰不騫不墜上以墜字爲問對曰詩人不識忌

諱臣安敢復道上大悅時尚垂髻以儒冠見有侏
儒傳粉戲于上前脫其冠曰閣梨子乃求官耶泳
即頓首跪謝曰臣何罪而免冠乎且臣實非僧故
以儒服見此曹非男子耶安得為婦人飾上笑而
奇之乃命歷見后嬪爭遺以金錢菓餌越明年賜
五經及第終通判郢州

郡志

翁承檢應童子科

改名襲明擢第同中是科者彭師尹鄭夢麟洪天
賦蘇方子郭懿傳倣翁季孫傳廣陳詔翁陳壽翁

陳巖翁陳槐公劉文瑞

進士甲科諸試優選

翁承贊字文堯擢唐朝乾寧進士第四榜下唱探

花使詩

按秦中歲時記進士杏園初宴謂之探花宴差少俊二人爲探花使遍遊名園以得

名花爲先今翁諫議集有榜下使唱探花使詩云洪崖差遣探花來檢點芳叢引數盃深紫濃香三百原明報爲我一時開詳此詩是榜下即預探花使非杏園初宴之日也今俗謂廷試第三人爲探

花郎皇朝甲科鄭褒陳絳翁緯李宗元李昂鄭克林

瑀陳鑄蔡襄鄭璘薛利和陳安國林讓林英方子

容黃降朱紱林端方晞道許敦仁黃玟林震方亞
夫林閱廖鈞陳起宗彭澤宗林虛蔡戡余崇龜劉
槩方芹之

改名

林旂阮砥龔日章黃景淵黃宿林

益嚴張茂發吳彬 兄弟同中者陳說之弟動之

繼中者方慎言弟慎從劉夙弟朔

登科記桂籍題名依他本劉

朔下尚有王邁卓得慶陳堯道許一鶚方應發李夢龍上猷趙時愿黃鑄方澄孫翁歸等

甲科中教官者崇寧間林孝淵隆興間方崧卿乾
道間王由魁淳熙間林肅 中大法者治平間李

昭遠紹興間蔡洸 中武藝謀畧科者靖康間葉

顗 武舉絕倫中第者開禧間陳若初 武舉上

舍出身者嘉定間柯夢弼 銓試第一者十餘人

惟崇寧間方昭特賜進士出身以上姑據聞見者

載之餘當考

肅顗仙遊人
餘莆田人

鳳穴諸郎龍門羣情

父與子偕第進士者莆田李欣子宗元宗閔 方

峻子士寧子容方嶠子仲宇輔宋

初名寅

李昂子

昭度昭文 林茂先子程煥植利 林孝澤子榕

枅 黃靜子公度庚 劉洵直子槃棠 張羔子

堃林秀 僊遊陳覺民子磷宋輔 傅楫子諒友

誼夫 傅牧子誠誠餘見三世登雲四代攀桂諸

門者不重出

桂籍
堂記

林英子彥伯為鴻臚寺卿素有風裁擇婿皆名士
後并登第辟雍博士胡份承議郎吳公懋從仕郎
陳惟仲辟雍博士趙資道特科蔡叔庠時人有詩

云九棘冰翁才吐鳳一門玉倩喜登龍

趙明鑑按

吳公懋墓志云懋官終朝請大夫資道以直秘閣知台州鑑明錄所記特據當時所見耳餘未考

再登詞學首擢賢良

翁承贊有詩名唐乾寧三年擢第明年中宏詞鄭

谷贈詩云名高五七字道勝兩重科

十國紀年鄭志雲臺編

方叔震興化人元祐六年中乙科紹聖四年中宏

詞

登科記

陳絳字伯華咸平二年登甲科景德四年中賢良

初絳與夏英公竦同試時以二十八將爲題英公
忘其四就絳問焉旣而絳擢第一英公第二

青衣告夢紫氣呈祥

劉朔字復之與兄夙賓之齊名時稱二劉紹興乙
卯朔聚徒東巖院一夕夢青衣人攜文卷上題省

元二字果繼其兄魁南省號大小省元

人物志

翁點字沂伯肄業廣化寺夜醉擊寺鐘忽覩一人
狀貌詭異呵曰汝爲誰此豈鳴鐘時也耶點曰汝

謂我為誰其人曰能對吾一聯當語汝乃云折破

磊文三石獨點應聲曰分開出字兩山單

石獨山單皆花

名其人領之曰正郎言訖不見即寺青衣神也後

果擢乾道第終朝請大夫提點江東刑獄

有記

王誥與弟誥寓福平精舍夢青衣童指階前松云試

問梅福尋真隱聊為東坡訪故居旦書于壁後王

誥擢元符第終福州古田尉誥擢政和第終惠州

歸善令其言始驗

家誥

紹興丁巳秋試揭榜譙樓有紫氣光焰亘天人異
之明年擢第十有六人狀元黃公度亞魁陳俊卿
叅政龔茂良果符前兆

見龔叅政行狀

興化夾漈溪一

夕白氣屬天久而不滅未浹旬夾漈鄭樵以遺逸

召 二劉公夙朔之先有虹闔其家升堂繞几蜿

蜒如綬後二公皆以文章名世

詳載游洋志并二劉公墓銘

附見辛卯試歲八月十五日夜有僊遊東鄉後坂
士人陳詠于試案上枕藉而臥夢一廟宇如僊侯

廟然見一青衣神贈一聯云譙樓紫氣行將見策
問元來是識詩占得魁星屬莆壘來年奪得省元
歸次早陳詠大書黏于簾前柱上觀者如堵有後
生嗔怒何不寫作狀元遂改省元字作狀元然神
言豈妄是時葉大有魁解次年葉大有魁南省其
時陳詠得夢頗自負及第三場策問末果有譙樓
紫氣行將見之語與所夢合不知是符葉大有省
魁不意神之謔人也如此

大魁祖孫雙元文武

徐寅字昭夢登唐乾寧第梁祖受禪再試進士第
一梁祖曰是賦人生幾何者耶三皇五帝不死何
歸此爲何語盡改之寅曰臣寧無官不可改賦遂
拂衣歸閩梁祖怒削其名至皇朝其孫鐸復魁天
下徐著作師仁序其父刑部集曰五代國朝吾宗
廷試擢第一者二人正字寅吾家之伯祖也尚書
鐸吾先君之諸昆也故詠莆陽盛事者有云龍虎

榜頭孫嗣祖鳳凰池上弟聯兄

徐鐸字振甫熙寧九年擢進士第一時同郡薛奕
爲武舉第一神宗賜詩云一方文武魁天下萬里
英雄入彀中莆陽名重天下自是始鐸官至吏部
尚書奕以銀川寨之役沒王事累贈防禦使

郡志人物

志

緣酬大梁珠叙合浦

徐寅嘗謁朱全忠誤觸諱全忠色變殺其主客時

寅恐不得脫乃作過大梁賦以獻

前志誤作畧曰過太原賦

畧曰

千金漢將感精魄以神交一眼吳兒望英風而膽落全忠大喜令軍士誦之一字酬一縑不復責前事梁王嘗自言夢淮陰侯授以兵法一眼吳兒指

李克用也

東坡志林張齊賢志

林藻字緯乾省試珠還合浦賦賦成假寐若有告者曰何不叙珠去來意寤而脩之曰珠之去兮山無色兮氛氣冥冥海無光兮空水浩浩珠之來兮

川有媚兮祥風習習地有潤兮生物振振果中第
及謝主司杜黃裳曰叙珠去來處若有神助

唐旌
言閩

川名
士傳

覆試再第聯舉俱魁

黃滔字文江唐乾寧二年崔凝知舉放張貽憲等
二十五人及第惟滔與程晏擅場餘皆濫中人以
爲言昭宗命陸扆覆試放趙觀文以下十五人以
滔等十人所試賦義理精通宜躋異級並再與及

第褚載寄詩云龍泉再淬方知利火浣重燒轉更

新唐
唐拔言唐登科記

李謐妙齡穎悟以文鳴于時年十七魁鄉舉次舉再魁鄉薦後有方亞夫三舉鄉書兩為第一尋

中甲科葉立功鄉舉聯占首選次舉登第陳

宗起聯中五薦兩為賦魁擢嘉泰壬戌第亞夫與化人立

功仙遊人餘并莆田人又連中四舉者多矣惟黃顏榮鄭畊方夏後登科第

感激銘硯憤悱投盃

林藻弟蘊唐大厯中李成公錡為福建泉州汀州
觀察使始至興學校獨孤及作新學碑有曰比屋
為儒俊選如林而藻蘊兄弟猶以縵胡之纓化為
青衿之語為憾因銘硯泉石刻志業文未幾藻舉
進士蘊擢明經歐陽詹繼之故當時有藻蘊橫行
歐陽獨步之語

閩川名士
傳泉南錄

許稷字君苗莆田人挾策入京時舍人陳誨四門
助教歐陽詹校書郎邵楚長侍御林藻在焉閩中

舉子以故事宴鄉先達詹以稷鄉人邀與之俱酒
行藻戲曰今日之會子何人斯稷投盃憤排噉酒
而去入終南山肄業三年出就府薦以貞元十八
年擢第歷尚書郎終衡州刺史

閩川名士傳

莆陽比事卷之一終